

菩薩法中聞化心住若色所緣即於獲得如來最上色相心住若聲所緣即於獲得如來妙好音聲心住若香所緣即於獲得如來戒香清淨心住若味所緣即於獲得如來所有味中上味大人勝相清淨心住若觸所緣即於獲得如來所有細軟手足妙觸心住若法

所緣即於獲得如來所有一切法中決定心住若施所緣即於獲得如來最上相好心住若戒所緣即於嚴淨佛土心住若忍所緣即於獲得梵音聲相妙金色身清淨心住若精進所緣即於一切眾生救度心住若定所緣即於神通所起妙用心住若慧所緣即於斷

一切眾生煩惱諸見相續心住若慈所緣即於一切眾生起無障礙心住若悲所緣即起護持正法心住若喜所緣即起說法歡喜心住若捨所緣即離諸違順成辦一切眾事業心住若四攝法所緣即起成熟一切眾生心住

俊二

七末

佛說如來不思議秘密大乘經卷第十二

佛說如來不思議秘密大乘經卷第十三

西天譯三藏朝散大夫試光祿卿傳梵大師賜紫沙門日誦護等奉詔譯

所緣品第十五之二

復次寂慧若諸菩薩為欲對治慳吝過失所緣法者即起能捨已之所有心住若為對治破戒過失所緣即起持戒心住若為對治瞋

俊三

一

恚過失所緣即起堅固忍辱心住若為對治懈怠過失所緣即起精進成辦如來勝力心住若為對治散亂過失所緣即起獲得如來禪定心住若為對治染慧過失所緣即起圓滿無礙智心住若為聲聞作意所緣即起積集大乘心住若為厭離所緣即起不作諸罪

心住若為惡趣所緣即起刹那所生諸惡趣
 中救度心住若為天趣作意所緣即起若成
 若壞後邊心住若為人趣作意所緣即起不
 堅固心若為念佛作意所緣即起諸佛攝受
 心住若為念法作意所緣即起於法不悟心
 住若為念僧作意所緣即起獲得不退轉於

法輪心住若為念捨作意所緣即起一切能
 捨心住若為念戒作意所緣即起圓滿求願
 勝定覺支心住若為念天作意所緣即起諸
 天稱讚佛智加持心住若為身為身作意所緣即
 起獲得佛身清淨心住若為語作意所緣即
 起獲得諸佛語言清淨心住若為心作意所

緣即起獲得佛平等心清淨心住若為有為
 法所緣即起圓滿如來智心住若為無為法
 所緣即起圓滿佛智心住

寂慧當知此如是等或有所緣而諸菩薩無
 有不於一切智智現前法門中住又諸菩薩
 於一切所緣法中皆悉迴向菩提此即是名

菩薩善巧方便覺了一切法通達觀察寂慧
 譬如所有三千大千世界一切大地隨諸所
 生無有不是一切衆生受用之所彼諸菩薩
 亦復如是所有一切所緣境界無有不是善
 巧方便菩薩共所受用菩提道分無不成熟
 菩提道法又如色法一切皆是四大所造善

巧方便菩薩亦復如是或有所緣一切皆以
 菩提勝相和合相應

復次寂慧若有衆生慳吝惡作者菩薩即為
 圓滿布施波羅密多持戒波羅密多若諸衆
 生起瞋恚行及懈怠者菩薩即為圓滿忍辱
 波羅密多精進波羅密多若諸衆生起散亂

俊三

二

心及愚癡行者菩薩即為圓滿禪定波羅密
 多勝慧波羅密多若諸衆生不可悲愍者菩
 薩於彼無違害心若諸衆生所應饒益者菩
 薩於彼無隨順心若諸衆生常稱讚者菩薩
 於彼而無高心若諸衆生不稱讚者菩薩於
 彼亦無下心若見一切苦惱衆生菩薩即起

大悲之心若見一切快樂衆生菩薩即起歡喜之心若見一切麤穢衆生菩薩即起調伏之心若見一切調順衆生菩薩即起慈愛之心若見具有緣力衆生菩薩即起衛護之心若見具有因力衆生菩薩即起攝化之心隨攝化已乃爲教授若見智慧開明衆生菩薩

即爲宣說甚深之法若見具演說智衆生菩薩即爲廣大說法若見如理衆生菩薩即爲次第說法若見衆生樂著文句者菩薩即以少略文句而爲說法若見衆生樂以奢摩佗爲先導者菩薩即爲宣說毗鉢舍那若見衆生樂以毗鉢舍那爲先導者菩薩即爲宣說

趣入三摩地法若見衆生樂持戒者菩薩先爲宣說不究竟法後復爲說地獄等事若見衆生樂多聞者即爲宣說無疑惑法若見衆生樂三摩地者即爲宣說趣入慧法若見衆生樂曠野住者即爲宣說心寂淨法若見衆生樂脩頭陀行者即爲宣說聖慧根法若見

鈍根衆生即爲宣說聞隨順法若見堅著貪法衆生即爲宣說不淨之法若見堅著瞋法衆生即爲宣說慈心之法若見堅著癡法衆生即爲宣說緣生之法若見等分行衆生即從中入中廣爲說法所謂不淨法慈心法緣生法若隨順諸法所應度者菩薩即爲宣說

增上戒法增上心法增上慧法若見衆生以佛勝相所應度者即爲宣說真實隨順菩提分法若見輕慢衆生所應度者先爲杜止輕慢之門後爲說法若見衆生相續樂觀菩薩聖相者菩薩即爲常現其身然根未熟者不爲說法若見衆生樂巧說法所應度者即以

緣起譬喻解釋說法若見衆生樂甚深法所應度者即爲宣說緣生無我無人無衆生法若有衆生著諸見者爲說空法若見衆生起尋求行者即爲宣說無相之法若見衆生起求願者即爲宣說無願之法若見衆生著諸蘊者即爲宣說如幻之法若見衆生著諸界

者即為宣說善決擇法若見眾生著諸處者即為宣說如夢之法若見眾生著欲界者即為宣說逼惱之法若見眾生著色界者即為宣說諸行苦法若見眾生著無色界者即為宣說彼一切行無常之法若見眾生樂以苦法所應度者即為宣說令於聖種生歡喜法

若見眾生樂以樂法所應度者為說無量禪定之法若見眾生樂天趣法所應度者即為宣說純一樂法若見眾生樂著諸相所應度者為說無我無取之法若見眾生樂以聲聞法所應度者即為教授取證之法若見眾生樂以緣覺法所應度者即為宣說於事於義

少略之法若見眾生樂以初發心菩薩法所應度者即為宣說深心發起大悲之法若見眾生樂以久脩道行菩薩之法所應度者即為宣說於輪迴中無懈怠法若見眾生樂以不退轉菩薩之法所應度者即為宣說嚴淨佛土之法若見眾生樂以一生補處菩薩之

俊三

四

法所應度者即為宣說大菩提場莊嚴之法若見眾生樂以佛身所應度者為說菩薩勝行相續不空之法寂慧當知如是等法皆是具足智慧方便諸大菩薩於彼清淨所緣法中而得自在是故廣說不空之法其所說法為令一切眾生歡喜故說

說是法時會中有十千人發阿耨多羅三藐三菩提心五千菩薩得無生法忍

金剛手菩薩大秘密主授記品第十六之一
爾時會中有諸菩薩咸起是念此金剛手菩薩大秘密主其何久近當得成就阿耨多羅三藐三菩提果邪所居佛土當何名字菩薩

成佛復名何等眷屬圓滿其數幾何

爾時世尊知諸菩薩心所念已即時微笑法
爾諸佛現微笑時必有因緣爾時世尊從其
面門放種種色廣大光明所青黃赤白紅紫
碧綠其眾色光普徧照耀無邊世界乃至梵
世其光盤旋還來佛所右繞三匝從佛世尊

頂門而入

尔時寂慧菩薩摩訶薩即於佛前合掌虔恭
以妙伽陀而伸請問

如金色光妙無垢

寂靜月面體凝然

破暗最上日光明

人仙微笑今何為

安處寂定蓮花相

大悲震吼進力增

俊三

五

念智功德妙香薰

善逝蓮花笑何為

念如淨器定如油

悲炷然燈破三垢

妙慧光明息暗冥

善逝智光笑何為

悲輪光明慧觀察

息除三垢滅諸冥

淨開智眼利世間

佛日妙光笑何為

佛知三有世間意

徧照一切天人心

大仙慈眼視衆生

今何大仙現微笑

寂慧菩薩說伽陀已

尔時世尊即告寂慧菩薩摩訶薩言今此金

剛手菩薩大秘密主於此賢劫諸佛如來應

供正等正覺所持金剛杵作供養事以利益

心守護正法今於我此秘密法中廣大施作

普為無量一切衆生成熟最上菩提善根於
此賢劫乃至最後樓至如來法中隱沒即於
極樂世界阿閼如來佛刹中生而彼世界阿
閼如來為彼諸菩薩宣說秘密一百八印時
金剛手菩薩大秘密主聞其所說不假加行
解入義趣如理如實隨順所行其後復於無

量無數諸如來所親近恭敬尊重供養彼彼
佛所皆脩梵行護持正法廣為無量俱胝那
庾多百千衆生成熟阿耨多羅三藐三菩提
法而後復過兢伽沙數劫中圓滿菩提分法
而乃得成阿耨多羅三藐三菩提果號金剛
步如來應供正等正覺出現於世明行足善

逝世間解無上士調御丈夫天人師佛世尊
世界名普淨劫名清淨寂慧而彼普淨世界
金剛步如來刹土之中安隱豐樂嚴淨可觀
天人熾盛菩薩廣多七寶具足勝妙莊嚴七
寶所謂金銀瑠璃磲碼瑙珊瑚琥珀及赤
珠寶彼世界中周徧盈積可八步量地平如

掌柔輒復如迦左隣尼具諸樂觸建妙幡幢
寶繩交絡天妙寶花處處垂下最上精妙眾
香氣馥空中自然奏諸音樂無諸惡趣及眾
險難如兜率天最勝受用又被世界隨意所
思宮殿舍宇園林樓閣飲食衣服眾莊嚴具
皆悉具足隨諸所用皆與天人受用無異受

俊三

六

諸天人具大信解深信佛智又被世界亦復
不聞聲聞緣覺二乘名字彼佛所說純一清
淨大菩薩法又被金剛步如來廣多百千菩
薩眷屬又被世界不壞律儀不減壽命不破
戒行不失正見亦無顛狂聾瘂跛偃蹇吃癩
惡鬪競缺減諸根等者一切皆具二十八種

天人勝相而為莊嚴彼佛如來壽八中劫亦
無天人中間天逝寂慧當知彼金剛步如來
具如是等及餘無量勝功德事彼佛世尊隨
欲說法即放光明彼諸眾生見是光已即知
如來宣說妙法若眾生五起思念欲詣佛所
瞻仰聽法即以彼佛神通智力所加持故尋

至佛所或有以自神力至佛所者即時天人
大眾咸來集會時彼世尊踊身空中高百千
多羅樹時四大洲悉見如來廣大身相又十
方世界悉聞震發顯是如來清淨妙音一切
眾生聞者適悅又復如來為諸菩薩說正法
時無一眾生於其如來宣說之法有所違背

彼諸眾生皆悉利根開明知解又被世界而
無王者唯佛世尊金剛步如來最上法王又
彼世界一切眾生無我無執

復次寂慧又被金剛步如來於彼刹中諸天
人所欲行乞食彼時若天若人即見如來聖
像住在其前執持應器彼諸天人見聖像已

俊三

七末

各欲奉上如來清淨飲食及隨意樂所欲方
處座卧之具百味食等皆悉嚴備彼佛知時
隨受所施佛受施已即出其舍還復如來所
止僧坊諸菩薩眾亦復隨應入三摩地
寂慧當知彼佛如來所住世界具如是等及
餘無量勝功德事是故名為普淨世界

佛說如來不思議秘密大乘經卷第十三
三俊

佛說如來不思議秘密大乘經卷第十四
俊

夏譯經三藏朝散大夫試光祿卿傳梵大師賜紫沙門長壽等奉襲

金剛手菩薩大秘密主授記品第十六之餘
余時世尊為金剛手菩薩大秘密主當授記
時會中有二萬人發阿耨多羅三藐三菩提
心皆願生彼普淨世界金剛步如來刹土之中

俊四

一

和

余時金剛手菩薩大秘密主聞佛世尊與授
記已心生慶快踊躍歡喜即以金剛杵擲虛
空中當其戲擲金剛杵時而此三千大千世
界六種震動天雨眾華鼓奏音樂復於一切
眾會右手自然皆出種種妙色最上華鬘余
時金剛手菩薩大秘密主即於佛前合掌諦誠

說伽陀曰
廣博大法王
善分別諸法
隨法依法脩
圓滿清淨行
能於三世中
頂禮無障礙
日光極光明
淨旨深妙響
常現淨妙身
離語言分別
解脫諸眾生
能報佛大恩
諸聞佛教授
真脩如理作
余時金剛手菩薩大秘密主并餘一切在會
大眾各以所持眾妙華鬘散於佛上以佛威
神力故所散華鬘即時普徧此三千大千世

無盡妙法藏
已於諸法中
善住我歸命
功德王名稱
常持無盡智
月光極圓淨
妙光勝光聚
三寶勝金光
亦無身繫屬
雖為大法師
而無眾生想
功德勝利中
無異法可轉
唯出家能報
隨所授法門

欲為利世間
捨除吝惜意
佛清淨大士
徧聞於三界
平等善所行

徧淨復清淨
梵音極妙音
故我今頂禮
常說妙語言
不生於法想
世間何所作